



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

57. Feria 2. Evcharistia deifica pari quâdam devotionis mensurâ agenda.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

me in filio imaginem Patris! si est é filice, eandem insculpe, tot malleis adhibitis, quot signa sunt Passionis, quot memorię in templis, urbibus, campis. Si totus sum luteus, & in aquas diffuso, tu igne amoris me coërce, & solida, imagines sordidas absterge, si *Eucharistia est exemplar Passionis*, S. Gaud. Tr. in Exod. Fasciculus myrrhæ mihi sit D. IESVS Eucharisticus, juxta illud D. Hieron. in c. 20. S. Matt. *Denarius figuram Regis habet, recepisti similitudinem meam, quid queris amplius?* D. Mechtildis damnatos ideo esse vidit, quia *nunquam dulciter unâ horâ recordati sunt mei*, id est, Domini IESV. Lib. 3. c. 11.

MEDITATIO LVII.

Feria 2. Domin. Septuag.

Eucharistia Actio deifica pari quâdam devotionis mensurâ agenda.

Aspiciam divinum Pelicanum de corpore suo nobis epulum instruente tanto affectu, ut post institutionem Sanctissimi, non solum libenter moreretur, sed, si necesse fuisset, maluisset remansisse mortuus, quam ut hoc donum ab amante anima contineret. S. Gert. l. 3. c. 18. Petam agnoscere, quid ante Communionem, quid in ea, quid denique ab ea mihi faciendum, ut dignè cōmunicē.

Conf. 1. Dominum jubere parari Pascha,
ubi

ubi amphora aquæ infertur : quia ad hanc mensam accessurus exquisitâ debet esse munditie, non solum ea, quæ de præcepto est, sed etiam, quæ de consilio; ideo enim, ut ait O-orig. in c. 13. Joan. Dominus lavat pedes, postquam mundi erant, quia gratia transcendit necessitatem, & sicut dicit Ioannes : Mundus mundificetur adhuc. Certè B. Magdal. de Pazzi, c. 133. vitæ, licet nunquam peccatum mortale, nec grave veniale commiserit, tamen communicans timebat, ne à terra sorberetur. Igitur Domino pelvim tenenti ut meas lacrymas excipiat, ad me emundandû, duplicem earum fontem mihi aperiri petams amaritudinem poenitentia, & concremationem charitatis. D. Gertrud. l. 3. c. 14.

Cons. 2. In ipsa Communionem factam esse fractionem panis, & sumptionem : Quod in cruce passus non est, in oblatione propter te patitur, & frangi sustinet, ut omnes satiet. D. Chryso- hom. 24. in 1, ad Corin. Ex fractione infert S. Greg. Nissenus in c. 13. Eccli: Qui hanc carnem amat, non est suæ carnis amicus. Ex sumptione autem infert idem in c. 3. Eccli: Ut id efficiamur quod Deus est: hoc igitur est, quod frangi sustinet, ut omnes satiet.

Cons. 3. Quid ipsam Communionem sic consecutum, quod intelligam ex D. Cypr. de Coena Dom. Cum saturati fuerint, vide quid agant,

92 FERIA 3. DOM. SEPTUAG.

gant, intellige quæ loquantur, quàm sancti odorati
sunt, quidquid illa eructat plenitudo. Verbum bonum,
mores compositos, affectus pudicos, sensus
pacificos illa interior sinceritas ubiq; diffundit.
Certè verba, quæ sunt spiritus & vita, in lingua
D. IESU uberrimè post cænam resonuerunt. Num idem
experior? si non, vitio meo accidit, ut cibus optimus
malis humoribus ventrem occupatum lædat.

MEDITATIO LVIII.

FERIA 3. DOM. SEPTUAG.

D. IESUS ardentissimus salutis nostræ amator.

Aspiciam D. IESUM amore magis rubentem, quàm
carbones igniti apud Isaiam. Petam eum intelligere.

Conf. I. Quanta debeat esse salus nostra, quam
Deus sic nobis procuravit, vi cuius tam constantis
fuit voluntatis prosequendi semper, & exercendi
media salutis, efficaciterque deserendi omnia
ejusdem impedimenta: quæ firmi propositi,
decretique nulli bono licito, jucundo, honorifico,
vel utili adhærere, sed illud salutis nostræ causa
relinquere, nullamque molestiam, ignominiam,
aut detrimentum ita perhorre, ut ea expedientia
saluti nostræ sponte non subiverit. Unde inferam
intolerabile esse, cum ille, ut nos pro nostra
ipso.